

Anno dom. mill. cent. duodecimo mense nouembris indictione sexta Iuit Petrus patriarcha legatus ad imperatorem cum galeis XIII¹⁾).

Anno dom. mill. cent. quinto decimo mense augusti indictione octaua Ordelauffus faletro dux exiuit cum exercitu in Dalmacia et cepit eam preter Iaderam et Belgradum²⁾ et rediit in Veneciam . postea uero in uenturo mense madio iterum exiuit cum equitibus et nauibus in Dalmacia . et in die sancti Pauli ipse dux cum paucis equitibus fugauit Banum cum magna multitudine de campo et cepit Iaderam et fortissimum castrum quod in ea erat ualde et munitum et urbem Belgradum. Cepit etiam inexpugnabile castrum quod uocatur Sibinicum et euertit illud a fundamentis et sic tenuit totam Dalmaciam in manu ualida vnde comites Ungrorum cum nobilibus uiris et mulieribus multis . cum pueris eorum captiui ducti fuerunt in Venecia.

Anno dom. mill. cent. sexto decimo die tercio³⁾ mensis Ianuarii Indictione decima Terremotus fuit ualde terribilis. Vnde multe ecclesie cum campani(li)bus corruerunt . et innumerabiles domus et turres et castra . atque antiqua et noua edificia plurima . pro quo (sic!) etiam montes cum rupibus corruerunt et exiderunt et terra in multis locis aperta fuit et aquas sulphureas emanabat. Et in illa die combusta fuit ecclesia Sancti Hermachore et Sancti Iohannis decollati cum multis earum casis.

Anno dom. mill. cent. vigesimo medio mense decembris combusta fuit ecclesia Sancti Petri nostri episcopatus cum tota domo episcopale et pluribus adiecentibus casis . hoc fuit in die ueneris circa noctem . et in die sabati Bonifacius faletro consecratus fuit presbiter et in sequenti dominica episcopus fuit ordinatus⁴⁾).

Anno dom. mill. cent. viges. secundo mense augustus indictione quinta decima iuit Dominicus michael dux cum magno exercitu nauale et equestri ad Christi sepulcrum⁵⁾ . postea

Anno dom. mill. cent. uiges. quinto mense iunii indictione tertia rediit in Venecia uictoria habita de Sarecenis . et capta Tiro . proteā (preteea? postea?) triumphauit de Crecia (sic!) decem ciuitates. Similiter etiam subuertit quasdam ciuitates Dalmacie et captiuos duxit multos nobiles Ungaros et Dalmatinos comites⁶⁾).

1) Dand. col. 265 A. ebenfalls ohne Datum. 2) Cf. Dand. col. 266 A. C., wo es heisst, dass Iadra (excepto Castro) und Belgrad schon auf dem ersten Zuge unterworfen wurden. Bei Canale pag. 294 wird Iadra bei dem ersten, Belgrad bei dem zweiten Zuge genommen. 3) Dand. col. 266 E die decima tertia. 4) Dand. col. 268 D. 5) Dand. col. 270 B und Marci Chron. 6) Cf. Dand. col. 272 C D und Arch. St. It. t. VIII, pag. 153 ff. Geuauer noch stimmen überein